

**BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
GRAD SREBRENİK**

NACRT

PROGRAM

**UTROŠKA SREDSTAVA SA KRITERIJIMA RASPODJELE SREDSTAVA
“OSTALI GRANTOVI POJEDINCIMA – PODSTICAJ POLJOPRIVREDNOJ PROIZVODNJI”
UTVRĐENIH BUDŽETOM GRADA SREBRENİKA ZA 2026. GODINU**

OBRADIVAČ: Služba za poduzetništvo, lokalni razvoj i investicije

PREDLAGAČ: Gradonačelnik Grada Srebrenika

RAZMATRA I USVAJA: Gradsko vijeće

Srebrenik, maj, 2026. godine

Na osnovu člana 25. Statuta Grada Srebrenika („Službeni glasnik Grada Srebrenika“ broj: 1/24) i Odluke o budžetu grada Srebrenika za 2026. godinu („Sl. glasnik Grada Srebrenika“ broj: 1/26), Odluke o izvršavanju budžeta Grada Srebrenika za 2026. godinu („Sl. glasnik Grada Srebrenika“ broj: 1/26), Gradsko vijeće Grada Srebrenika na __ redovnoj sjednici održanoj dana _____ godine donosi:

PROGRAM

UTROŠKA SREDSTAVA SA KRITERIJIMA RASPODEJELE SREDSTAVA „OSTALI GRANTOVI POJEDINCIMA – PODSTICAJ POLJOPRIVREDNOJ PROIZVODNJI“ UTVRĐENIH BUDŽETOM GRADA SREBRENIKA ZA 2026. GODINU

PODACI O PROGRAMU

Prijedlog Programa se razmatrao na sjednici Gradskog vijeća Grada Srebrenika dana _____ godine.

Period realizacije Programa: Juli-decembar 2026. godine.

Ukupna vrijednost Programa planiranog Budžetom Grada Srebrenika za 2026. godinu iznosi **220.000,00 KM**

Izvor sredstava: Budžet Grada Srebrenika za 2026. godinu, pozicija ekonomskog koda „614239-2 ostali transferi pojedincima – podsticaj poljoprivrednoj proizvodnji“ organizaciona klasifikacija – 06

I - UVOD

Poljoprivreda kao jedna od najvažnijih i temeljnih grana privrede esencijalni je faktor za stabilnost i neovisnost jednog društva. Uz kvalitetno strateško planiranje, Grad Srebrenik posjeduje prirodne i ljudske resurse za mnogo veći razvoj poljoprivrede od postojećeg stanja. Ako se uzme u obzir praksa Evropske unije i ogromni budžeti koji se izdvajaju za poljoprivredu kroz razne vrste davanja, uključujući i države nečlanice, mogućnosti za napredak naših poljoprivrednika su nepregledne.

Članom 26. Zakona o poljoprivredi („Službene novine FBiH“ broj: 88/07, 04/10, 07/13) omogućeno je jedinicama lokalne samouprave donošenje propisa za dodatne mjere strukturne politike određenog područja, a u skladu sa provedbenim dijelom poljoprivredne strategije i kantonalnim strategijama za razvoj poljoprivrede. U skladu s tim, u Budžetu Grada Srebrenika za 2026. godinu odobreno je **220.000,00 KM** za podsticaje iz oblasti poljoprivrede, što predstavlja uvećanje sredstava namijenjenih za ove svrhe u odnosu na prethodnu godinu. Programom utroška sredstava sa kriterijima raspodjele sredstava „Ostali grantovi pojedincima – podsticaj poljoprivrednoj proizvodnji“ utvrđenih budžetom Grada Srebrenika za 2026. godinu (u daljem tekstu: Program) pomaže se pri pravilnom pozicioniranju i usmjeravanju

poljoprivrednika ka racionalnijoj i efikasnijoj proizvodnji, čime se osnažuje postojeća i otvaraju mogućnosti za zasnivanje nove proizvodnje. Ovim se stvaraju i preduslovi za jednostavniji i lakši pristup novčanim i drugim vrstama pomoći, sa kantonalnog i federalnog nivoa ili nekog od fondova EU, nevladinih organizacija i sl.

U Programu je određen iznos sredstava na ime novčane podrške po korisniku za ostvarenu animalnu i biljnu proizvodnju, te za izvršena ulaganja i nabavku novih poljoprivrednih sredstava u tekućoj godini, kriteriji za ostvarivanje novčane podrške i raspored sredstava za novčane podrške prema oblastima i vrstama poljoprivredne proizvodnje obuhvaćenim ovim Programom, odnosno iznos podrške po jedinici proizvodnje ili korisniku i maksimalan iznos podrške po korisniku.

Pri izradi Programa za 2026. godinu analizirali smo i imali u vidu sljedeće:

- resursne mogućnosti Grada Srebrenika,
- kontinuitet podsticajnih mjera i iskustva u realizaciji novčanih podrški prethodnih godina, s posebnim osvrtom na prethodnu godinu
- sugestije učesnika u sektoru poljoprivrede (Udruženja poljoprivrednika, obrtnika i podaci sa terena),
- iznos odobrenih sredstava u Budžetu Grada Srebrenika za tekuću godinu
- Program novčanih podrški u poljoprivredi i ruralnom razvoju u 2026. godini (FBiH)

Nakon što Gradsko vijeće usvoji Program podsticaja poljoprivredi za 2026. godinu, Služba za poduzetništvo, lokalni razvoj i investicije će sredstvima javnog informisanja, obavijestiti poljoprivrednike o podsticajnim mjerama, kao i kriterijima koji moraju biti ispunjeni da bi sredstva bila odobrena.

II KRITERIJI RASPODJELE SREDSTAVA

Odobrena finansijska sredstva iz Budžeta Grada Srebrenika „Ostali transferi pojedincima – podsticaj poljoprivrednoj proizvodnji“ raspoređivat će se pravnim licima, fizičkim licima i obrtnicima iz oblasti poljoprivredne djelatnosti (u daljem tekstu: korisnici) prema općim i posebnim kriterijima. Posebni kriteriji, uslovi i postupak ostvarivanja prava na novčanu podršku u primarnoj poljoprivrednoj proizvodnji na području Grada Srebrenika osim Programa, bit će određeni i Pravilnikom kojeg donosi Gradonačelnik Grada Srebrenika.

1. OPĆI KRITERIJI

Opći uslovi koje moraju ispunjavati korisnici da bi ostvarili pravo na novčane podrške u smislu ovog Programa su:

- da imaju prebivalište, odnosno poslovno sjedište na području Grada Srebrenika,
- da su upisani u Registar poljoprivrednih gazdinstava i Registar klijenata, (u daljem tekstu: RPG i RK),
- da su u tekućoj godini ostvarili ili namjeravaju ostvariti neku poljoprivrednu proizvodnju, odnosno izvršili ili planiraju izvršiti nabavku poljoprivrednih sredstava

- da su ispunili obaveze iz svih prethodno sklopljenih Ugovora o dodjeli novčanih sredstava iz Budžeta Grada Srebrenika
- da su ispunili obaveze po osnovu ugovora o zakupu državnog poljoprivrednog zemljišta, od momenta zaključenja ugovora do 31.12.2025. godine.

2. POSEBNI KRITERIJI

3.

3.1. BILJNA PROIZVODNJA

1. Sufinansiranje sjetve ozime pšenice, ječma, zobi i tritikala. Minimalna površina koja će se poticati je 0,4 ha, a maksimalna 0,99 ha. Iznos podrške je do 100,00 KM/0,1ha.
2. Sufinansiranje sjetve merkantilnog kukuruza. Minimalna površina koja će se poticati je 0,4 ha, a maksimalna 0,99 ha. Iznos podrške je do 70,00 KM/0,1ha.
3. Sufinansiranje ugovorene proizvodnje kornišona. Iznos podrške po korisniku je do 500,00 KM.
4. Sufinansiranje ugovorene proizvodnje merkantilnog krompira. Iznos podrške po korisniku je do 500,00 KM.
5. Sufinansiranje nabavke plastenika za korisnike koji žele zasnovati plasteničku proizvodnju voća ili povrća. Iznos podrške je do 70% nabavne vrijednosti novog plastenika po redovnim tržišnim cijenama za tekuću godinu.
6. Sufinansiranje ili finansiranje nabavke/zamjene dijelova sistema za navodnjavanje u plastenicima i nabavku prskalica/atomizera za hemijsku zaštitu gajenih kultura, mreža za zasjenjavanje, vodotopivih gnojiva, zaštitnih sredstava, malč folija, agrotekstila (za zaštitna sredstva maksimalno u vrijednosti 1,0 KM/m²) Minimalna površina plastenika po korisniku je 200 m² za koju je u prethodne 3 godine barem jedanput ostvario podsticaj za proizvodnju povrća ili jagode u plasteniku sa kantonalnog nivoa. Iznos ukupne podrške je do 1,50 KM/m².
7. Sufinansiranje podizanja višegodišnjih nasada voća u monokulturi (šljiva, jabuka, kruška, trešnja i višnja). Iznos podrške je do 400,00 KM/0,1 ha. Minimalna površina koja će se poticati je 0,3 ha, a maksimalna 0,5 ha.
8. Sufinansiranje analize zemljišta za korisnike koji su to obavezni uraditi prema izmjenama Pravilnika FBiH.
9. Podrška proizvodnji deklariranih sadnica voća. Iznos podrške je do 1.000,00 KM po korisniku.

3.2. ANIMALNA PROIZVODNJA

1. Nabavka stočne hrane za muzne krave u liniji otkupa mlijeka. Minimalno 3 grla po korisniku, a iznos podrške je do 200,00 KM/grlo.
2. Sufinansiranje uzgoja rasplodne stoke, koza. Minimalan broj koza po korisniku je 5, a maksimalan 24. Iznos podrške je do 15,00 KM/grlo
3. Sufinansiranje uzgoja rasplodnih krmača. Minimalan broj krmača po korisniku je 2, a maksimalan 4. Iznos podrške je do 50,00 KM po grlu.

4. Nabavka pčelinjih pogača za članove pčelarskih udruženja sa područja Grada Srebrenika. Iznos podrške po košnici je do 3,00 KM
5. Sufinansiranje ili finansiranje nabavke košnica, rojeva, pribora, opreme ili dijelova pčelarske opreme, sredstava za zaštitu i liječenje i sl. Iznos podrške je do 150 KM po korisniku.
6. Sufinansiranje ili finansiranje nabavke muzilica za muzne krave u liniji otkupa mlijeka. Iznos podrške je do 700,00 KM po korisniku.
7. Nabavka stočne hrane ili opreme (mašine za šišanje, muzilice) za ovce i koze. Iznos podrške je do 400 KM po korisniku.
8. Sufinansiranje držanja muznih grla koja u odnosu na 2025. godinu zbog velikih poremećaja na tržištu i gašenja mljekara nisu više u otkupu mlijeka.

III - TABELARNI PREGLED PODSTICAJA POLJOPRIVREDNOJ PROIZVODNJI IZ BUDŽETA GRADA ZA 2026. GODINU

				220.000,00
A. BILNA PROIZVODNJA				
RED.BR	PODSTICAJNA MJERE	JEDINICA PODSTICAJA	OBIM PODSTICAJA	UKUPNO (KM)
1	Sufinansiranje sjetve pšenice, ječma, zobi i tritikala u 2026. godini	do 100,00 KM/0,1ha	0,40 - 0,99 ha	9.000,00
2	Sufinansiranje sjetve merkantilnog kukuruza u 2026. godini.	do 70,00 KM/0,1ha	0,40 - 0,99 ha	9.000,00
3	Sufinansiranje ugovorene proizvodnje kornišona	do 500,00 KM/korisniku	10 korisnika	5.000,00
4	Sufinansiranje ugovorene proizvodnje merkantilnog krompira	do 500,00 KM/korisniku	10 korisnika	5.000,00
5	Sufinansiranje nabavke plastenika za korisnike koji žele zasnovati plasteničku proizvodnju voća ili povrća	max do 70% od vrijednosti	100 m ²	10.000,00
6	Sufinansiranje ili finansiranje nabavke /zamjene dijelova sistema za navodnjavanje u plastenicima, prskalice, atomizeri, mreže za zasjenjivanje, te nabavka vodotopivih gnojiva i sredstava za zaštitu bilja	do 1,50 KM/m ²	od 200 m ²	25.000,00
7	Sufinansiranje podizanja višegodišnjih nasada voća u monokulturi (šljiva, jabuka, kruška, trešnja i višnja)	do 400,00 KM/0,1 ha	0,30 – 0,50 ha	15.000,00
8	Sufinansiranje analize zemljišta	do 150,00 KM/korisniku	33 korisnika	5.000,00
9	Podrška proizvodnji deklariranih sadnica voća	do 1.000,00 KM/korisniku	2	2.000,00
UKUPNO BILNA PROIZVODNJA				85.000,00

B. ANIMALNA PROIZVODNJA				
RED.BR	PODSTICAJNA MJERE	JEDINICA PODSTICAJA	OBIM PODSTICAJA	UKUPNO (KM)
1	Nabavka stočne hrane za muzne krave u sistemu otkupa mlijeka	do 200,00 KM/grlu	405 grla	50.000,00
2	Sufinansiranje uzgoja rasplodne stoke, koza.	do 15,00 KM/grlu	170 grla	2.500,00
3	Sufinansiranje uzgoja rasplodnih krmača	do 50,00 KM/ grlu	50 grla	2.500,00
4	Nabavka pčelinjih pogača za članove pčelarskih udruženja sa područja Grada Srebrenika	do 3,00 KM/košnici	5000	15.000,00
5	Sufinansiranje ili finansiranje nabavke košnica, rojeva, pribora, opreme ili dijelova pčelarske opreme, sredstava za zaštitu i liječenje pčelinjih društava i sl.	do 150,00 KM/korisniku	170	15.000,00
6	Sufinansiranje ili finansiranje nabavke muzilica za muzne krave u liniji otkupa mlijeka.	do 700,00 KM/korisniku	65	15.000,00
7	Nabavka stočne hrane ili opreme (mašinicice za šišanje, muzilice) za ovce i koze	do 400,00 KM/korisniku	70	20.000,00
8	Sufinansiranje držanja muznih grla koja u odnosu na 2025. godinu zbog velikih poremećaja na tržištu i gašenja mljekara nisu više u otkupu mlijeka.	do 300,00 KM/grlu	70	15.000,00
UKUPNO ANIMALNA PROIZVODNJA				135.000,00

IV- NAČIN OSTVARIVANJA NOVČANIH PODRŠKI

Novčane podrške ostvaruju korisnici koji ispunjavaju uslove propisane ovim Programom i Pravilnikom.

Poticajne mjere predviđene ovim Programom realizovat će se raspisivanjem Javnih poziva koji će biti oglašavani na web – stranici Grada Srebrenika, oglasnoj ploči Gradske uprave Srebrenik i na Radio Srebreniku.

Nakon raspisanog i objavljenog javnog poziva za pojedine mjere navedene u ovom Programu, korisnik podnosi zahtjev sa propisanom dokumentacijom Službi za poduzetništvo, lokalni razvoj i investicije, te isti odgovaraju za vjerodostojnost podataka upisanih u priloženoj dokumentaciji.

Služba u skladu sa Programom zaprima prispjelu dokumentaciju i prosljeđuje komisiji koju imenuje Gradonačelnik na provjeru i odabir kandidata za dodjelu sredstava. Zadatak komisije je: pregled prispjelih ponuda, evidentiranje kandidata koji ispunjavaju uslove iz

javnog poziva, sačinjavanje liste krajnjih korisnika, te dostavaljanje iste Gradonačelniku na saglasnost. Lista kandidata se objavljuje na oglasnoj ploči Grada Srebrenika.

Za pojedine mjere iz ovog Programa izabrani kandidati potpisuju Ugovor o dodjeli sredstava, kojim će biti regulisana dalja prava i obaveze.

Služba za poduzetništvo, lokalni razvoj i investicije, sačinjit će Zaključke o isplati sredstava po mjerama podrške ovog Programa.

Mjere podsticaja pod brojevima 6 i 7 u animalnoj proizvodnji i 7 u biljnoj proizvodnji realizovat će se za one korisnike koji nisu po istom osnovu ostvarili podsticaj sa viših nivoa.

Ukoliko ukupan iznos obračunate novčane podrške po pojedinačnim mjerama podrške bude veći od planiranih sredstava za datu mjeru, izvršit će se proporcionalno smanjenje odobrenih iznosa za sve korisnike u okviru pojedine podrške. Ukoliko dođe do neutroška ili djelimičnog utroška sredstava po pojedinim mjerama, ista se mogu iskoristiti za realizaciju ostalih mjera iz ovog Programa.

Maksimalan ukupan iznos novčane podrške po korisniku po mjerama ovog Programa je 5.000,00 KM.

Za realizaciju ovog Programa zadužuje se Služba za poduzetništvo, lokalni razvoj i investicije.

Program stupa na snagu danom donošenja i bit će objavljen u Službenom glasniku Grada Srebrenika.

Program utroška sredstava za novčane podrške u primarnoj poljoprivrednoj proizvodnji utvrđenih budžetom grada Srebrenika za 2026. godinu na poziciji «Ostali transferi pojedincima - podsticaj poljoprivrednoj proizvodnji», objavit će se u Službenom glasniku grada Srebrenika.

Program stupa na snagu danom objave u Službenom glasniku Grada Srebrenika.

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
GRAD SREBRENİK
- Gradsko vijeće -

Predsjedavajući Gradskog vijeća

Nisvet Sejdinović

Broj:

Datum,

O b r a z l o ž e n j e

I – PRAVNI OSNOV

Pravni osnov za donošenje predloženog Programa utroška sredstava za novčane podrške u primarnoj poljoprivrednoj proizvodnji, sadržan je u članu 14. Statuta Grada Srebrenika („Službeni glasnik grada Srebrenik“ broj: 1/24) i Odluke o budžetu grada Srebrenika za 2026. godinu („Sl. glasnik grada Srebrenik“ broj: 1/26), Odluke o izvršavanju budžeta grada Srebrenika za 2026. godinu („Sl. glasnik grada Srebrenik“ broj:1/26).

II – RAZLOZI DONOŠENJA

Prijedlog Programa utroška sredstava sa kriterijima raspodjele sredstava “Ostali grantovi pojedincima – podsticaj poljoprivrednoj proizvodnji“ utvrđenih budžetom Grada Srebrenika za 2026. godinu (u daljem tekstu: Program) razmatran je na sjednici Gradskog vijeća Grada Srebrenika dana _____ godine, a razlog donošenja Programa jeste da zajedno sa novčanim podsticajima sa federalnog i kantonalnog nivoa daju integralan odnosno sveobuhvatan podsticaj ukupnoj poljoprivrednoj proizvodnji na području grada Srebrenika.

Planirani iznos novčanih sredstava od 220.000,00 KM je utvrđen Odlukom o budžetu grada Srebrenika za 2026. godinu („Sl. glasnik grada Srebrenik“ broj: 1/26), na poziciji ekonomskog koda „614239-2 Ostali transferi pojedincima–podsticaj poljoprivrednoj proizvodnji“ organizaciona klasifikacija - 06.

Shodno svemu navedenom Služba za poduzetništvo, lokalni razvoj i investicije grada Srebrenika u saradnji sa Gradonačelnikom grada Srebrenika, pripremila je ovaj Program podsticaja za 2026. godinu i dostavila Gradskom vijeću grada Srebrenika na razmatranje i usvajanje.

OBRADIVAČ